



輿地紀勝
補關十卷

門 5
號 3386
卷 63

自序

道光癸卯春初建功刻舊唐書既成即欲重刊鈔本

輿地紀勝兩書皆延同人纂輯校勘記舊唐書校勘

記梓行之後建功曾就諸書所引舊唐書與今本不

相附麗無須悉載於校勘記者為之會萃成書名曰

舊唐書逸文凡十有二卷紀勝校勘記脫稿後建功

因復仿前例就諸書所引紀勝為今本所闕不必列

入校勘記者掇拾搜羅別為一編共得十卷名曰紀

勝補闕蓋舊唐書雖有逸文而無闕卷其闕葉亦無

明徵若紀勝則全闕者三十一卷溫州婺州處州衢

州光州無為軍安

輿地紀勝補闕

自序

瞿盈齋

早稻田大學圖書館
第 28.9.8 号
藏 書

豐軍潭州成都府上成都府下崇慶府眉州彭州
州漢州邛州黎州夔州開州施州達州珍州忠州沔
州階州成州西和州鳳 有關葉者十有七卷 臨安府
州文州龍州天水軍 有闕葉者十有七卷 平江府
饒州揚州楚州黃州濠州寶慶府襄陽府均州
循州永康軍興元府閬州巴州洋州劍門關 是故
據紀勝本書之注此門言詳見他門則闕葉之逸文
可知 平江府風俗形勝門全闕據仙釋門晉支遁注
迹官吏人物等門皆闕據風俗形勝門各條則景物
下當有條然亭古迹門當有塗山禹廟官吏門當有
梅呂人物門當有莊子興元府官吏門全 此卷言詳
闕據府沿革注則官吏門當有蕭思話 此卷言詳
見別卷則闕卷之逸文可知 光州全闕據安慶府古
則光州古迹門當有獨山忠州全闕據萬州 其當補
人物門甘寧注則忠州人物門當有甘寧 其當補
者一也輿地碑目卽節錄紀勝中碑記一門故闕卷

內之碑記可補 顧氏千里碑目序云且今者紀勝闕
全孰知求之此書則三十一卷之碑記一門唯荆湖
南路之潭州成都府路之彭州縣州漢州邛州黎州
利西路之天軍水軍俄空其七耳以外尚多無恙者實
原書之墜簡也今按珍州階州原書本無碑記成都
府分上下兩卷碑記例在下卷故上卷不應有碑記
顧氏言俄空其七此三卷不在所數之內蓋闕卷三
十一無碑記可補者十卷 闕葉內之碑記亦可補 顧
有碑記可補者二十一卷 闕葉內之碑記亦可補 顧
碑目序又云今所據但鈔本闕卷之外復多闕葉如
楚州濠州興元府及永康軍之下半碑記均藉此書
而僅存愈徵其 而碑記之注有言詳見各門者復可
有益者非渺矣 而碑記之注有言詳見各門者復可
定爲逸文 崇慶府全闕據碑記萬歲寺碑注及法天
又據碑記善頌堂留題注則景物下當有萬歲寺法天寺
全闕據碑記杜子美兩川夔峽諸詩石刻注則景物
下當有大雅堂鳳州全闕據碑記隋朗法師 其當補者
禪師碑注則仙釋門當有隋朗法師 其當補者
輿地已券補闕 自序 二 瞿盈齋

二也一統志方輿紀要所引紀勝往往在闕卷闕葉

之中疑是時尚有完本錢遵王讀書敏求記載紀勝二百卷云鏤刻精雅楮墨如

新乃宋本中之佳者顧氏碑目序云似仍係完帙不審尚在世間否耳今按一統志稿本係崑山徐健菴

尚書所輯顧景范亦與分纂之列景范與遵王皆常

熟人健菴亦與遵王同郡其時書局設於洞庭山所

引紀勝或即據遵王之完本亦未可知至於紀

要所引紀勝當即景范在書局時所摘錄耳其嘗

補者三也所引逸文有作方輿紀勝者疑即輿地紀

勝之訛一統志福州府福甯府泉州府各引方輿紀勝一條

有但言王象之者亦皆輿地紀勝之語方輿紀要衢

之三條壽州東平州河州隰州永寧州各引王象之一條今並一律採錄以備參

稽其非紀勝原文則毫不濫載蓋用元和志逸文之

例不使他說與原文雜糅嚴氏觀元和郡縣補志陳氏蘭森寰宇記補闕皆原

文少而他說多惟周氏夢棠元和志逸文專輯御覽

上海通鑑地里通釋等書所引原文絕不雜以他說

雖闕卷闕葉未能頓復舊觀而以偽混真之弊亦庶

乎免矣若夫原本並非闕卷又無闕葉而他書所引

實係逸文者蓋王氏此書每卷分子目十二養新錄云輿地

紀勝每府州軍監分子目十二曰府州沿革若若有監

司軍將駐節者別敘沿革於州沿革之後曰縣沿革

曰風俗形勝曰景物上曰景物下曰古迹曰而子曰

官吏曰人物曰仙釋曰碑記曰詩曰四六而子曰

間亦偶闕有時明注其闕橫州梁山軍人靖州詩門

衡州威州渠州黔州雲安軍蓬州四六門封州

仙釋門碑記門石泉軍碑記門詩門宜州碑記門四

六門茶陵軍碑記門詩有時未注其闕棗陽軍融州

與也記券補闕 自序 三 懼盈齋

新州化州欽州鬱林州南平軍隆慶府洋州四六門皆未注闕字

有時不但書闕

字抑且不標子目之名故或少一門

棗陽軍雲安軍無官吏漢陽軍

連州容州利州無人物柳州欽州威州無仙釋橫州

無碑記武岡軍信陽軍高州賀州昌州廣安軍富順

監萬州梁山軍無四六或少二門

天水軍無古迹人

茶陵軍景物不分上下

物鬱林州無人物

仙釋萬安軍無人物四六吉陽軍無

物鬱林州無人物

仙釋碑記潯州大甯監無仙釋四六或少三門

廉州無人物

物仙釋碑記靖州無人物仙釋

沅州無人

四六藤州無人物碑記四六或少四門

沅州無人

記四或少五門

思州無官吏人

以尙有逸文也况乎傳寫者不無偶遺而全書之通

德慶府碑記門止有圖經一種貴州碑記門止

例每卷各門之末大率皆畱空行以待續有增補凡

今本所載太略者必有脫文

有懷澤志一種所記未全者必有墜簡

隆慶府縣沿革普成縣注

此外更無一碑

但言縣之舊名未

以後有空行可續者則附入各門之中

衡州碑記門注云圖經無

碑記門而碑記散見諸處無年月可考據此則是州

碑記必有續入者可知各卷碑記門之例志書皆列

於末此卷衡陽志後又有吳九真谷無空行可增者

府君碑臨海谷侯碑其為增補無疑

則補注子目之下

建甯府人物門注云王安石李綱皆生於松溪之簿廳主簿陳當時

嘗書於壁以為盛事今按此門之

末無空行故夾注于子目之下

此初印之本無而

續增之本有也諸書所引逸文意者初印之本所無

續增之本所有而一統志紀要所引係續增之本歟

抑或原本實有此條今本傳寫逸去而一統志紀要

所引仍係原本歟惟是目錄所載郡縣自行在所臨
安府至天水軍祇南渡偏安疆域直齋書錄解題云
行在宮闕官寺實
冠其首關河版圖之未復者猶不與焉而逸文內所載郡縣有屬京東
西路者東平府一則有屬京西北路者鄭州一則有屬陝
西永興軍路者京兆府一則有屬陝西秦鳳路者河州洮
州各一
則有屬河東路者絳州隰州石州
蔚州各一則皆北宋全盛之提
封至南宋時則不列版圖之內似非紀勝所應有然
考王氏自序云東南十六路以在所為首而西北諸
郡亦次第編集則當日於東南諸路纂輯告成復就
西北各州別為續錄猶之祝穆方輿勝覽止述東南

而它書所引逸文兼及西北一統志直隸順天府河
南南陽府汝州陝西鳳
翔府商州華州所引各一則方輿紀要直隸大名亦
府陝西西安府所引各一則鳳翔府所引二則
於成書之後更有補編耳呂午方輿勝覽序云我瞻
先王慨未歸於故疆必也志存乎脩攘步極乎亥章
使吾和父涉歷彌長聞見彌詳紀載益鋪張而勝覽
益輝煌今按和父即祝穆之字祝氏補紀
北方郡縣蓋因呂序所言而推廣之也王氏地理
之學較祝氏尤深使所紀西北諸郡之書至今具在
其沿革掌故當必蔚為鉅觀惜乎舊本全亡轉引者
僅見此十數則用是亟為甄錄附諸東南各路之餘
俾閱者由此類推尙可想見其原書之梗槩也至於
王氏別有輿地圖十六卷與紀勝相輔以行其搜輯

甚詳直齋書錄解題云輿地圖十六卷王象之撰紀勝逐州為卷圖逐路為卷其搜求亦勤矣至西蜀諸郡尤詳而自元明以來更無稱引之者其體裁義例末由窺測其大凡與元和志之佚去原圖同為憾事此則非後人所能臆補者已

道光戊申二月甘泉岑建功識

輿地紀勝補闕目錄

卷一

兩浙西路 安吉州 平江府 江陰軍

兩浙東路 紹興府 溫州 婺州 處州 衢

卷二

江南東路 建康府 寧國府 徽州 南康軍

江南西路 袁州 吉州 建昌軍 南安軍

卷三

淮南東路 楚州 通州

淮南西路 和州 濠州 光州 無為軍 安

卷四

荆湖南路

潭州 衡州 道州

荆湖北路

岳州 澧州 靖州 峽州 荆門

京西南路

襄陽府 隨州 棗陽軍

卷五

廣南東路

廣州 韶州 連州 英德府 潮

廣南西路

高州 欽州 瓊州

福建路

福州 泉州 南劍州

卷六

成都府路

成都府下 嘉定府 永康軍 眉州 黎州

潼川府路

敘州

卷七

夔州路

夔州 涪州 開州 黔州 施州 達州 忠州

卷八

利東路

興元府 閬州 金州 大安軍

卷九

利西路

沔州 龍州 成州 西和州 鳳州 文州

卷十

附錄

京東西路

東平府

京西北路

鄭州 陳州

陝西永興軍路 京兆府

陝西秦鳳路 河州 洮州

河東路 絳州 隰州 石州 蔚州

輿地紀勝補闕卷一

甘泉岑建功輯

兩浙西路

安吉州 原卷第四

景物下

廣惠寺

在長興縣東九里乃陳高祖故宅
光大初建為寺號天居宋改今名

一統志一百七十六湖州府 按作紀勝時之

吉州即今之湖州府紀勝此卷原無闕頁然王氏
此書之通例每卷各門之末大率皆畱空行以待
續有增補廣惠寺一條或初印之本所無續增之

本所有而一統志所引係續增之本或原本實有此條今本傳寫逸去而一統志所引仍係原本均未可知後凡紀勝原無闕頁而一統志方輿紀要等書所引實係逸文者當以此意求之 又按紀勝各卷景物門大率皆分上下安吉州古迹門及景物上未載一寺而景物下載大雄寺八聖寺靜林寺飛英寺祇園寺普靜寺密印寺無爲寺乾元寺共有九寺則廣惠寺似亦當在景物下

平江府

原卷第五

風俗形勝

晉支遁

按此卷風俗形勝門全闕據仙釋門晉支遁注云見風俗門續志序下則風俗形勝門內必有晉支遁事碑記門續志注云朱長文編所謂續志序者當卽此志之序也 又按方輿勝覽卷二風俗門好儒好佛注引圖經云蓋朱買臣陸機顧野王之徒顯名於當代而人尚文支遁道生慧嚮之儔倡法於羣山而人尚佛有所自來也今考朱長文之書尚存名曰吳郡圖經續記勝覽所引之圖經當卽紀勝所引之續志蓋列晉支遁於風俗門者實因

吳人好佛由於支遁之談禪勝覽與紀勝可互證矣

江陰軍 原卷第九

景物上

申港

宋太守劉堂漕臣姜玳建議濬申利二港

一統志四十五常州府 按作紀勝時江陰自為一軍不屬常州紀勝此卷景物上有利港申浦而無申港申浦注云今為申港亦無宋太守以下數語今考紀勝全書之例地名有古今各異者往往前後並見疑申港一條原本在景物上之末而傳

寫佚去耳後凡紀勝已載此地而他書所引逸文係一地而兩名者當以此意求之

兩浙東路

紹興府 原卷第十

景物下

開元寺

修廊傑閣冠絕他刹正月望為燈市海外商賈皆集

一統志一百七十九紹興府 按紀勝此卷本無闕頁景物上未載一寺景物下載天章寺天衣寺戒珠寺寶相寺報恩寺大能仁寺淳化寺福慶寺覺苑寺慈雲寺應天寺稱心寺惠安寺共十三寺

古迹門有泰 寺禹跡寺凡二寺泰甯寺係南宋時攢宮之地 跡寺取名因大禹之舊跡故列於古迹門中若開元寺似當與天章等寺一例列於景物下之內 又按據一統志開元寺在會稽縣東南唐董昌故宅錢鏐建為寺

温州 原卷第十三

碑記

僧元覺神道碑

在永嘉縣之淨光先天寺元葬於是山有括州刺史李邕所作神道碑

輿地碑目卷一下同

按紀勝此卷全闕

淨居尼元機圓明塔碑

在永嘉縣之淨居尼禪寺其碑先天中立

石室碑

在永嘉縣應符鄉大羅山之石室上有石夫人及古石碑在天柱寺後

仙巖寺碑銘

司空表聖文

海濤志

集古錄云海濤志濤歷濤日時濤期朔望體象春秋仲月漲濤解凡六篇唐竇叔蒙撰其說以月朧胸候濤汐之進退并竇氏濤日時疏一篇孟簡撰皆陶從心書朱巨題額不著刻石年月在温州

抄本碑目歷下無濤字從心作愆

遊仙記

唐著作顧况仙遊記曰温州人李庭等大歷六年入山斫船迷不知路逢見濼水濼水者

東越方言以挂泉為濼中有人煙雞犬之候尋聲渡水忽到一處約在甌閩之間云古莽然之墟者好田泉竹果藥連棟架險三百餘家四面高山迴環深映有象耕雁耘人甚知禮野鳥名鵠飛行似鶴入人社中惟祭得殺無故不得殺殺令地震有一老人為眾所伏容貌甚和歲入數百匹布以備寒暑乍見外人

亦甚驚異問所從來袁晁賊未平時政何若具以實告因曰願來就居得否云此間地窄不足以容為致飲食申以主敬既而辦行斫樹記道還家及復前踪羣山萬首不可尋省

抄本碑目著作作厯作惟祭作雄祭歲入作歲人寒暑作寒者袁晁作袁見辦行作辦行尋省作尋者皆誤 按正文作遊仙記注引顧况仙遊記今考全唐文五百二十九載顧况此文正作仙遊記當以仙遊為是 又按全唐文斫船作斫樹人上無入字社中作舍中得殺下有之字殺令作殺則歲入作歲收未平作平未辦行作辭行 又按以舊唐書代宗紀及通鑑考之袁晁之就擒在寶應二年

四月下距大歷六年相隔八載山中避亂之人不知世事故袁晁之亂久平而猶問其平未耳作未平者非也

永甯編 陳謙所述雷元剛序云是編非取夫搜撫新故誇詡形勝而已事變之會風俗之趨蓋將有考焉觀敘州自晉以來守凡幾人孰賢孰否觀敘人自國朝以來作者幾人孰先孰後熙甯而後所易兵制善於古否建炎而後所增賦稅安於民否水利何為而便役法何為而病是非得失之迹與廢沿革之由安危理亂於是乎在一言去取萬世取信

抄本碑目賦稅作稅賦興廢作廢興

鴈宕序述 鴈宕山序云樂清縣鴈宕諸山在焉難以殫載校書郎章望之有記郡丞謝升俊有圖樂清縣丞洪藏有賦記述模寫皆極形容之精然猶有未盡薛寺正季宣復為賦以備足之

許校抄本碑目藏作藏

婺州原卷第十四

碑記

八詠碑 沈約文舊本在仁風堂新本在八詠樓

輿地碑目卷一下同 按紀勝此卷全闕

陋室銘

不知在何所政和中郡民至龜頭土城上茅棘中見一頽石其色如鐵面平可坐因刮拭之彷彿有字題曰陋室銘唐劉禹錫文其詞云山不在高有仙則名水不在深有龍則靈斯是陋室惟吾德馨苔痕上階綠草色入簾青談笑有鴻儒往來無白丁可以調素琴閱金經無絲竹之亂耳無案牘之勞形南陽諸葛廬西蜀子雲亭孔子云何陋之有今其碑在明月樓

許校抄本碑目土城作王城有仙作有僊

通判廳蘭亭記

其碑甚古

大廳再建記

唐廣明二年

赤松巖寺碑

唐垂拱四年

盧府君碑

唐大中十一年

俱胝石幢記

唐咸通十年

抄本碑目胝作胝

武威侯廟記

唐廣明元年己上並在金華縣境

按己與以同下文仿此

杜叔倫去思碑

晏公類要云在東陽縣前達州刺史陸長源文

許校抄本碑目達作建

按新舊唐書陸長源傳

俱云歷建信二州刺史而不言為達州刺史作建
者是也 又按全唐文五百載陸長源唐東陽令
戴公去思頌云詔書以監察御史裏行戴叔倫為
東陽令紀勝杜字乃戴字之誤

涵碧亭碑

在東陽縣唐寶曆二年

法華寺碑

唐會昌三年在東陽縣

智者法師碑

及本生寺碑在義烏縣界梁太子綱文

善慧大寺碑

陳大建五年

抄本碑目寺作士

按下文有善知闍黎碑及惠

集法師碑注並言在陳大建間與此碑正同以例

推之似當以士字為是蓋大士與闍黎法師名目
相類若作大寺則不相類矣

善知闍黎碑

陳大建五年

惠集法師碑

陳大建六年

還珠記碑

唐元稹文

轉輪經藏

唐咸通八年

重雲大師真身碑

唐乾符三年

普濟院碑

周顯德二年己上並義烏縣

抄本碑目並作并

聖壽寺碑

唐綦毋潛文

和安寺碑 唐邵朗文

許校抄本碑目朗作節 按全唐文八百六載邵朗

兜率寺記云以晉義熙二年正月捨所居為和安

寺焉據此則兜率寺即和安寺而碑記則邵朗所撰也當以朗字為是

東峯亭記 唐馮宿文在蘭溪團寺

許校抄本碑目東作陳 按方輿勝覽東峰亭注云在蘭溪縣且引馮宿亭記全唐文六百二十四載馮

宿蘭溪縣靈隱寺東峰新亭記當以東字為是團字乃靈隱之誤

萬安院碑 晉天福八年

抄本碑目萬作樂

永甯院碑 周顯德四年已上並在蘭溪縣

千歲和尚碑 開元二年在浦江寶嚴寺

左溪大師碑銘 唐李華文在浦江縣

明招院壽塔碑 周廣順二年在武義院

凡許校抄本碑目二作三

鶴巖院碑 清泰

按清泰係後唐末帝年號首尾三年清泰下脫去年分俟考

義烏真如寺耶律年號 寺在義烏縣西南一百八十步東陽志云吳越錢氏會同十年建洪邁隨筆載錢氏有年號三日寶大天寶保正而無所謂會同象之謹案會同乃契丹年號東都事略契丹傳載遼主德光以天福三年改元會同至開運四年南牧歷年圖載天福三年歲在戊戌而會同十年歲在丁未自戊戌至丁未整整十年意者錢氏奉德光之正朔則丁未之歲乃契丹會同十年故用其紀元耳十國紀年吳越王錢宏佐傳云開運四年正月敵陷京師稱會同十年而馬殷傳止書云開運四年契丹犯關中國兵亂貢賦不通而不書會同年號是湖南諸國不用會同年號而吳越獨用會同故也

抄本碑目止書作正書 按下文云而不書會同

年號不書與止書相對為文當以止字為是

吳越寶大年號

東陽志云觀音寺大殿有梁吳越寶大二年立題字象之謹按通鑑後唐

明帝天成二年吳越王錢鏐以中國喪亂朝命不通改元保正其後復通中國乃諱而不稱今觀音寺之題梁皆已削去年月寺僧云吳越改元後用中國正朔故諱其事而削去與通鑑所書相應寺卻有銅鐘銘題云寶大二

抄本碑目立下脫題字二字復下脫通字寺僧云

之云誤作去卻有作却有銘下無題字 按以五

代史及通鑑考之天成係後唐明宗年號明宗之

諡號係聖德和武欽孝皇帝紀勝之明帝當作明

宗

張巡許遠雙廟辯

嘉泰甲子余謁郡侯南康李公景和見其追逮土偶械繫於庭問其

罪則曰李侯家眷為祟所擾故加之罪杖之溪僻投土偶於深淵絕其廟食未嘗不重李侯之果決也及

輿地紀勝補闕

卷一

九

瞿盈齋

余之郊外聽輿人之頌曰此廟非他即唐張許之祠也郡侯以其烹愛妾而無所歸旋擾其室既伏其罪而怪亦絕余獨念張許置廟始末郡志無所經見志乃洪公遵銓次必不逸書余固未能釋然後余繙閱故書見唐張巡傳載許遠子致為婺州司馬柳子厚南公廟碑載南霽雲子承嗣為婺州別駕今婺之雙廟與倅解鄰意者南許二子之所立乎余既參祁公之史考柳子厚之記又不能不譏李侯之太果而誦洪公之略也反覆張許之事因歎其捐軀以蔽江淮而當時議者反以睢陽食乏為二子罪巡烹妾以激士衆而後世乃以其鰥居而為廟食之累甚矣忠臣之不遇也自李翰作傳以表其事而當時之異論始息余不量其譎薄欲強引史傳以證其廟食之始末既李翰為難矣昔韓文公謂張許子弟材下不能通其父志於當時而已哉昔我朝章聖皇帝狩過雙廟畱駕徘徊著金刻石贊明厥忠而司馬公光嘆顏杲卿張巡之徒世治則擯斥外方抑沈下寮世亂則委棄孤城壘粉寇手何為善之不幸而朝廷待忠義之薄耶我聖朝君臣待忠義之意如此惜不及見洪公

李侯而一洗之云

抄本碑目之頌作之誦郡侯以其之以作意既伏作自伊印子下無厚字食乏誤作食之烹下妾上有愛字不遇也之也誤作世史傳誤作始傳以證作以証眎作視過雙廟之過誤作遇駕上畱字係空格下寮作下僚寇手誤作寇乎 按左氏僖二十八年傳云聽輿人之誦作之誦者是也 又按祁公之史指上文唐張巡傳而言新唐書列傳係宋祁所作祁公似當作宋公祁

處州 原卷第 十五

景物上

石帆山

一名石橋洞東北去石立如橋中有三潭危石

山二十里高巖屹峙潭中如張帆然

方輿紀要九十四處州府

一統志一百八十六

處州府但引一名石橋洞五字

按紀勝此卷全

闕全書之例凡山水之類列於景物上者居多故

列於此以俟考後凡逸文內山水之類仿此 又

按據一統志此山在青田縣西一百里據方輿紀

要此山在青田縣西南九十里亦名大連雲山

碑記

追魂碑

在松陽永甯觀唐故有道先生葉公碑李邕撰并書法善之祖也世傳法善求邕書不可

得夜追其魂書之俗謂之追魂碑恐未必然人愛其字模打不已黃冠潛毀之有銅鐘宣和造寇焚熟烈焰中竟不銷鏤聲亦不滅若有神護

輿地碑目卷一下同 抄本碑目模作摸 許校

抄本碑目造寇作遭寇聲作書

唐李繁孔子廟記

唐元和中刺史李繁建孔子廟韓愈為之碑杜牧書其陰碑遭亂不

存宣和中和州量葆光模刻於學而碑陰猶闕

抄本碑目量作黃是也

有唐贈歙州刺史葉公神道碑

李邕撰韓擇木八分書其石運自雲川擊

之鏗然有聲今在麗水縣北一百二十里冲真觀中

李邕書大唐開悟之寺

在龍泉之薦福院

黃帝祠宇篆額 唐李陽冰篆 在仙都山

縉雲縣城隍廟記 集古錄唐李陽冰篆并撰陽冰禱雨因移建於山上碑以乾元二年立

刺史李鋁送行記 正元中李為刺史朝士之贈行者二十三人石刻今存

抄本碑目鋁作銘

按鋁字無考當是銘字之誤

唐青田縣尉楊光于作隱難記 在麗水縣北六十里黃巢之亂民避難於此獲免者甚眾

好道廟碑 在麗水縣東十里唐大中十年刺史段成式作廟記今存

抄本碑目段作段誤

松司馬墓碑 在麗水縣西四十里郎期山下乾符二年卒葬於此碑及銘記並任省公

文

李陽冰修夫子廟記 在縉雲記云上元元年縉雲令李陽冰修文宣王廟換夫子之

容貌增侍立之九人其餘六十二子圖於屋壁據陽冰記云增侍立之九人蓋獨顏回坐而餘九人為立像矣

李陽冰忘歸臺銘 在縉雲之吏隱山

抄本碑目吏作史下同 按方輿勝覽卷九吏隱山

注云在州東北五十里山南有唐李陽冰為縉雲令秩滿寓居于此為窪樽畱題篆刻至今人寶之

全唐文四百三十七載陽冰忘歸臺銘有曲成吏隱之

語當以吏字為是作史者非也

李氏窪樽銘 在縉雲之吏隱山

李陽冰篆倪翁洞三字 在縉雲縣東平里之倪翁洞

阮客洞詩 在縉雲縣東九十里 有石室鑿李陽冰詩

隱真洞劉先生素象贊 在縉雲縣東二十八里 隱真洞其碑見存

許校抄本碑目素作塑

李陽冰篆初陽谷三字 在縉雲之仙都山

衢州原卷第 十六

景物上

常山 即信安嶺也陳天嘉初雷異據東陽時江郢二州俱為王琳所有異因與琳自鄱陽信安嶺潛通使往來今自衢州經信州達於鄱陽必由常山所謂嶺路也

方輿紀要九十三衢州府 一統志一百八十三

衢州府所引即下有古字時江郢至所有作時王

琳據江郢二州與琳二字在信安嶺下自下無鄱

陽二字經作西出於鄱陽作鄱陽者 按據一統

志及方輿紀要此山在常山縣東三十里

崢嶸山 昔有柴宏者屯兵於此後訛為崢嶸其東南相連者曰龜峯山府治枕其麓

方輿紀要九十三衢州府 按據方輿紀要此山

在衢州府治西安縣西北

古迹

太末城 龍邱故太末也唐光化二年淮南宣州將康儒敗兩浙將王球於龍邱擒之遂取婺州即

此 方輿紀要卷一

方輿紀要九十三衢州府 按紀勝全書之例故
城皆列於古迹門內故列於此以俟考後凡逸文
內故城之類仿此 又按據方輿紀要此城在龍
游縣西

碑記

古碑 信安記文其最古者徐偃王廟則韓退之西楚
嚴綬女樓之易棟賦則賀蘭進明詩則信安王禕石橋記則
于臯之偃王碑碣皆漫缺不可讀

輿地碑目卷一下同 抄本碑目脫詩則二字易
棟賦則霍耿誤作易陳武則崔耿 按以元和志

二十 寰宇記 九十 輿地廣記 二十 方輿勝覽 七 考

之婺州為婺女分野衢州本婺州地唐時始析置
其樓名亦得有婺女之稱紀勝女樓上疑脫婺字

唐乾符六年僧冲莅開山文樅碑銘 在西安之子
湖定業院
抄本碑目樅作樅 按樅字無考疑樅字之誤

唐則天書明果寺 在西安縣北玉泉
鄉明果禪寺額
唐白居易大徹禪師傳法堂記 在西安縣北玉
泉鄉明果禪寺

後唐清泰中吳中丞所書發願文 在常山縣西三
十里福田院
唐杜荀鶴及禪月大師貫休畱題 在龍游之
石壁院

抄本碑目游作遊

石橋詩刻記

唐廷評嚴綬

瑞魚銘

張子壽集賀衢州進古銅器表云伏見衢州所進瑞魚銘等神物環奇形製純古魚為龍像既彰受命之元銘作久文更表錫年之永河圖舊事無以加之

按以張曲江集及全唐文三百八十九考之久文乃龜文之誤

徐偃王廟碑

韓愈撰

徐偃王後記

唐于臯作後記今在靈山廟中

抄本碑目臯下有謨字

雙檜堂記

開寶間吳越刺史謹知禮撰

吳越國王墨帖

在保安院

信安志

毛憲序

抄本碑目脫去毛憲序三字

輿地紀勝補闕卷一終

男姪校刊

輿地紀勝補闕卷二

甘泉岑建功輯

江南東路

建康府 原卷第十七

古迹

蔡邕讀書臺 在溧陽縣太虛觀東北

一統志四十六鎮江府 按作紀勝時溧陽縣屬

建康府不屬鎮江府紀勝此卷本無闕頁古迹門

有蔡伯喈讀書堂注云按建康志載境有——

——吳顧雍傳云邕亡命江海遠跡吳會抱朴

子云伯喈到江東得論衡則伯喈讀書於此理或有之王荆公詩云暮尋蔡墩西獨覺秋尚早公所稱蔡墩恐卽蔡讀書臺也今按伯喈卽邕之字讀書堂之注亦言讀書臺則堂與臺特敘述偶殊亦不必過爲區別惟此條述讀書臺能確指其地一條述讀書堂未能確指其地究未可牽合爲一竊疑此條之讀書臺在溧陽縣城內外彼條之讀書堂在建康郡城內外紀勝原本兩條並載傳寫者脫去此條耳

甯國府

原卷第十九

景物下

陵陽山

山自敬亭陂陀而南隱起三峯環遶府治其南爲鼇峰又東南曰陽陂唐獨孤霖謂郡地四出皆卑卽阜爲垣郡治蓋據此山之岡麓也

方輿紀要二十八甯國府

按紀勝此卷本無闕

頁景物下有陵陽山注云在宣城一峯爲疊嶂樓一峯爲郡譙樓又一峯爲景德寺郭祥正雙溪樓詩云陵陽之峯壓千里百尺危樓勢相倚涇縣亦有——元和郡縣志在涇縣西南一百三十里陵陽子明得仙處列仙傳云陵陽子明釣得白龍放之後三年龍迎子明上——仙去因以名縣

太平縣亦有——今按宣城乃甯國府治紀要
所引之紀勝既言府治又言郡治則所謂陵陽山
者必宣城縣之陵陽山與涇縣太平縣之陵陽山
無涉此條逸文原本似當在又一峯為景德寺之
下蓋上言一峯一峯又一峯下言二峯環遶語意
正相聯貫傳寫者佚去耳後凡原本此條未闕而
他書所引實係逸文者當以此意求之

徽州 原卷第
二十

景物上

黃山 諸峯有如削成煙嵐無際雷雨在下其霞城洞
室巖竇瀑泉則無峯不有其西北峯類太華故

亦名小
華山

方輿紀要二十八徽州府 一統志五十七徽州
府所引嵐作靄在下有其字無其霞以下 按紀
勝此卷本無闕頁景物上有黃山注云在歙縣西
北百二十八里漢末有峰三十六水源三十六谿
二十四洞十有二巖八舊名黟山天寶末改為黃
山會稽太守陳業遁于此世復相傳黃帝命駕與
容成子合丹於此其後又有仙人曹阮之屬故有
浮邱容成之峰又有曹溪阮溪方輿勝覽六黃山
注云舊名黟山在歙縣西北百二十八里高千一

百八十仞郡志其山有摩天夏日之高宣歙池饒
江等州山並是此山之支脈明矣諸峰有如削成
煙嵐無際雷雨在下其霞城洞室巖竇瀑泉則無
峰不有信靈仙之窟宅西北類太華山有峰三十
六其水源亦三十六溪二十四洞十有二巖八云
云以紀勝與勝覽參互考之紀要所引紀勝逸文
原本似當在百二十八里之下漢末有峰之上

南康軍 原卷第
二十五

古迹

都昌縣 雁子橋饒州之北壤也唐始立縣在獅子峰
之南其地先有古城莫知年代遂因之創縣

以地名都村遠與建昌相望近與南昌相接
遂號都昌後移今治今猶謂故城曰衙前

方輿紀要八十四南康府 按紀勝此卷本無闕
頁縣沿革都昌縣注云在軍東一百七十五里云
云與此條無涉蓋彼言都昌縣之新治此言都昌
縣之舊治也景物下雁子橋注云在都昌縣唐武
德五年李大亮奏割鄱陽西獅子峰之南置都昌
縣亦與此條無涉蓋彼以雁子橋為主此以都昌
縣為主也古迹門有龍安縣城彭澤故縣城左里
故城以例推之此條當是古迹門之逸文都昌縣
下疑脫故城二字蓋紀勝全書之例凡有故城者

大率皆列於古迹門內此條之末既有故城之語則都昌縣下亦當有故城二字方與彭澤左里等條一例且與縣沿革內之都昌縣顯有新舊之別也 又按寰宇記一百一十一都昌縣條下云本漢彭蠡縣地唐武德五年安撫使李大亮謂土地之饒井戶之阜道路之遙遠水路之阻礙遂割鄱陽雁子橋之南地置此縣以隸浩州州廢屬江州按鴈子橋即本縣之地鄱陽即饒之北壤也始置之地有古城莫知年代遂因此城創縣地名都村遠與建昌相望近與南昌接遂號都昌與紀勝互有詳

略異同蓋即紀勝之所本也

江南西路

袁州 原卷第二十八

景物下

錦繡谷

宋元祐初李觀除知虔州不赴自號玉溪叟於宜陽門外半里許玉溪洞中種列名花名

錦繡谷

一統志二百一袁州府 按紀勝此卷本無闕文景物下有錦繡谷注云在州東城外玉溪洞中有衆花處人物門有李觀注云史傳諸書過目即成誦登第爲括蒼倅題詩直廳有自知不是公侯貴

夜夜江山入夢來之句今考一統志引此條云於
宜陽門外半里許玉溪洞中紀勝錦繡谷注云在
州東城外玉溪洞中語意彼此相同若併為一條
似涉重複竊疑此條首言李觀或是人物門李觀
注之逸文亦未可知但一統志既引此條於錦繡
谷注中今姑從之以俟考

吉州 原卷第
三十一

景物下

天井湖 和蜀鎮有天井湖今謂之梅陂濶三百餘頃
舊隸龍泉宋何嗣昌為宰疏蜀江水伐石立
趾以捍壩堤之害
百姓至今利賴之

方輿紀要八十七吉安府 按作紀勝時之吉州
即今之吉安府紀勝此卷本無闕頁景物下有天
井湖注云在龍泉縣和蜀鎮距縣百里與此條詳
略迥殊竊疑此條標目天井湖當作梅陂蓋天井
湖係舊名梅陂係新名此條以梅陂為主彼條以
天井湖為主非複見也

永新山 三峰相顧勢若龍回本名龍頭山天寶六載
改曰永新其山週迴三百里遠峰去縣九十
里即太和主山也近峰去縣二十里即義山也山重
嶂起伏如飛鳳者曰南華山相傳匡智棲化其中今
跡多遺

方輿紀要八十七吉安府 按紀勝此卷景物下

有永新山注云在永新縣東南九十里周迴三百里舊名龍頭山絕嶺三峰相顧若有兄弟之義俗名義山天寶中改爲——與此條敘述迥殊今考上文縣沿革有太和縣又有永新縣蓋永新一山跨太和永新兩縣之境此條以太和縣境之山爲主彼條以永新縣境之山爲主似複見而非複見也

建昌軍

原卷第三十五

古迹

華子崗銅陵

亦在府西十五里謝靈運詩銅陵映碧澗石磴瀉紅泉今亦謂之銅山

方輿紀要八十六建昌府 按紀勝此卷本無闕文古迹門有華子崗注云晏公類要云謝靈運山居圖曰——麻山在第三谷相傳華子期者祿里弟子翔集此頂故以華子名崗謝靈運詩云銅陵映碧澗石磴瀉紅泉卽此與此條所載不同竊疑此條之標題原本止有銅陵二字至於華子崗三字乃輯紀要者因紀勝有銅陵又有華子崗故彙舉之耳 又按此卷景物上有紅泉注引謝靈運詩云云華子崗條以華子期爲主自當列於古迹門中銅陵條與紅泉相類似可列於景物門中

但紀要既以銅陵與華子崗聯類而言今姑從之以俟考

三清樓 何淵何潛何濱同登慶歷三年進士淵諡清節潛諡浦敏濱諡清忠後人臨江起三清樓

以紀其盛

一統志一百九十五建昌府 按紀勝全書之例

凡山川城邑宮室祠墓之類與古人事迹有關者皆列於古迹門內此條敘三清樓之原委可以考見何氏兄弟之遺迹似當在古迹門內

南安軍 原本第三十六

景物下

聶都山 章水所經非所出也

方輿紀要八十八南安府 按紀勝此卷本無關

文景物下有聶都山注云出大庾縣西南山海經

云聶都之山諸水出焉其山出礬寰宇記云在南

康縣西南二十五里即南康縣南礬溪源也紀要

所引當是彼處逸文 又按紀勝此卷景物上有

章水注云在南康即涼熱水也景物下涼熱水注

云在大庾圖經作良熱寰宇記云良熱水出聶都

山南康記蓋謂水之源也以兩條參互考之則章

水即涼熱水其源正出聶都山與此條所言不合

輿地紀勝補闕卷二終
竊疑此條乃紀勝較正寰宇記之語其上下文仍
當有引證辨論之詞紀要但節引此二句耳

輿地紀勝補闕卷二終

姪鎔
男淦校刊
長

輿地紀勝補闕卷二

甘泉岑建功輯

淮南東路

楚州 原卷第
三十九

風俗形勝

長淮輿壤表海名邦

一統志四十七淮安府 按作紀勝時之楚州即
今之淮安府紀勝此卷雖有闕頁而風俗形勝門
則未闕也今考方輿勝覽 四十
六 淮安軍四六門有
此二句而紀勝此卷四六門全闕竊疑此二句即

四六門之逸文但一統志既載此二句於形勢門內今姑列於風俗形勝以俟考

碑記

漢東海恭王廟碑 在山陽縣有碑斷裂僅有數十字云東海恭王祠

輿地碑目卷二下同

唐得寶記 楚州刺史鄭軻撰舊有碑今在寶應縣

唐娑羅木碑 在淮陰縣南大甯寺唐開元十一年海州刺史李邕文并書

娑羅碑陰刊上海州李使君狀 唐淮陰縣令張松質書

趙悅遺愛碑 集古錄云唐楚金撰不著書人名氏此碑淮陰所立天寶十四載刻

抄本碑目載作年 按自天寶三年以後皆改年

為載作年者非也

開元聖像碑 集古錄云唐陳知溫書開元二十九年元宗夢人告之曰吾汝祖也有像在京

城西南百里可求之當見汝于興慶宮之於蓋屋山此碑以天寶元年淮陰太守李諲所建

抄本碑目厚作屋誤

彌勒尊佛碑 在淮陰縣南大甯寺垂拱四年宋甯積文發運使蔣之奇題碑陰日寶積碑字

字奇古惜乎不載名氏也

龍興寺碑 寺在清風門裏舊有斷碑

白鶴觀碑 觀在山陽縣治之後

五君子帖 蘇子瞻黃魯直秦少游張文潛鄒志完與節孝徐仲車往還詩簡也知州向涇刻於

郡齋今在楚觀

興地系用初編

卷三

三

興地系用初編

米南宮帖 元章為漣水軍時與賀方回王彥周諸公往來帖也

新建學記 慶歷二年宋景文公祁文

抄本碑目祁作都誤

淮陰侯廟記 蘇軾文

抄本碑目軾作載

按紀勝此卷古迹門淮陰侯廟注云東坡先生為銘曰云云當以軾字為是

作載者非也

開禧守禦事實 合肥鑄本今刻之山陽記

通州 原卷第四十一

景物上

孤山 南枕大江巍然一峯約高百仞

一統志五十五通州 按紀勝此卷本無 泰

州景物上有孤山注云南兗州記云一一有神祠

悉生大竹或伐之者必祠此神言其所求之數不

敢加焉與此條所述不同蓋泰州與通州接壤孤

山跨兩州之境故兩卷並載此山泰州之孤山既

列於景物上則通州之孤山亦當列於景物上矣

古迹

大安鎮 即東布洲也本海中沙島後漲成陸地民戶頗繁

方輿紀要二十三通州 按紀勝此卷古迹門有

大安鎮注云吳改布洲爲——周顯德中廢此
條係彼處逸文以文義考之似當在吳改之上
又按紀勝此卷景物下有東布洲注云元是海嶼
沙島之地古來漲起號爲東洲忽布機流至沙上
因名布洲旣成平陸民戶亦繁與此條似同實異
蓋彼以東布洲爲主此以大安鎮爲主也

淮南西路

和州原卷第
四十八

景物下

雞籠山宋紹興三十年金主
亮親統軍駐雞籠山

一統志六十七和州 按紀勝此卷本無關頁景
物下有雞籠山注云在歷陽縣西北四十里道家
第四十福地也淮南子云麻湖初陷之時有一老
母提雞籠以登此山因化爲石今有石狀如雞籠
因名之劉禹錫詩云雞籠爲石顛王安石詩云巉
巖直浸瀰湖上倒看山影清波中此條係彼處逸
文以文義考之似當在波中之下

濠州原卷第
五十

景物下

翛然亭濠濮間趣
濠自是佳處

按紀勝此卷景物上僅存濠水濠梁塗山三條景物下全闕風俗形勝門云濠濮間趣注云見後翛然亭下又云濠自是佳處注亦云見後翛然亭下今考方輿勝覽四十濠州有翛然亭注云在倅廳子城上舊名觀瀾元祐中王雍為郡丞有言晉簡文遊華林園謂左右曰會心處不必在遠翛然臨水便有濠濮間趣覺鳥獸禽魚自來親人當知濠自是佳處雍喜遂易亭名翛然疑勝覽此條實沿紀勝之舊觀於濠濮間趣及濠自是佳處二語彼此相同可以識其槩矣惟紀勝此條原本或在

景物上或在景物下均未可知然全書之例凡亭臺樓閣園圃之類多列於景物下故繫諸景物下以俟考後凡逸文內亭臺樓閣園圃之類仿此

古迹

塗山禹廟 禹以六月六日生

按紀勝此卷古迹門全闕風俗形勝門云禹以六月六日生注云見古迹門塗山禹廟下注故知為彼處逸文

官吏

梅呂 梅讀書之所

按紀勝此卷官吏門全闕風俗形勝門云梅呂讀書之所注云見官吏門梅呂注下今考方輿勝覽濠州名宦梅詢注云詢仕於朝常請守濠王文正公訪問之曰欲温故耳文正曰當除一通判伴讀於是呂申公夷簡通判州事今州治倅廳之兩間有梅呂讀書之所存焉竊疑勝覽此條亦沿紀勝之舊觀於梅呂讀書之所一語彼此相同即其證也

人物

莊子 從容濠上

按紀勝此卷人物門全闕風俗形勝門云從容濠上注云詳見人物門莊子注故知為彼處逸文

碑記

唐彭晁禹廟記

記大略曰昔禹治水之日會于塗山則此地是也今禹會鄉因茲而立今有禹家夏家者皆是禹之苗裔元和十四年彭晁記

輿地碑目卷二下同

唐勸栽桑碑

在定遠縣門外唐大中十四年濠州刺史侯固奏乞令人廣栽桑而官司無收稅

唐社亭碑

在鍾離縣西七十里遺碑村元和中太常寺協律郎杜牧作今碑尚存

抄本碑目社作杜村作拭皆誤

州碑古篆

世傳以為李陽冰書按唐地理志州舊名

陽冰沒已久矣或云元豐中郡人錢叔獻見一

石刻云濠州碑及開元等碑皆江南韓熙載書

抄本碑目從濠作泛濠濠州作豪州及作之非也

等作寺是也

智源禪師塔銘元和九年立在鍾離縣西

唐張皓禪窟寺碑

在定遠西北三十里太平興國禪院

唐應福寺彌勒佛記

咸通四年立

唐勸農敕

集古錄云不著書人名氏唐宣宗時濠州

之固勸使栽植請除其稅敕依其所請并

李宮請立石狀同以大中十一年立今存

光州原卷第五十一

古迹

獨山楊行密祠

按紀勝光州全闕安慶府古迹門 山楊行密祠

注云事見光州古跡門獨山 故知為彼處逸文

碑記

漢遺愛廟碑

期思遺愛廟在固始縣北七十里昔楚

莊王封孫叔敖之子于寢邱建廟期思

歲久祠宇墮壞漢延熹三年固始縣令段君復為立

祠且刻其事於石碑畫今存元豐八年敕以遺愛之

碑為額阮之武詩云楚續光輝存簡策漢碑突兀鎖

期思風雲會合當年事簫鼓喧闐此日祠弱嗣負薪

廉節著怪蛇膏劔德名垂廟封

又見標遺愛子產陰靈想已知

輿地碑目卷二下同 抄本碑目北上有西字是

也阮之武作院之武非也 按楚續疑楚績之誤

梁大同七年石柱記 在城四十五里之中普明寺上有鐫記于西字上漏一字圖經

遂改大同七年為天監七年象之謹按天監七年乃是戊子大同七年則為辛酉當作大同七年

抄本碑目四作西是也

唐刺史郭道瑜德政碑 九域志

新浮光志 褚孝錫編

無為軍 原卷第五十二

古迹

寶晉齋 四壁皆函晉人法帖因以為名

一統志六十二廬州府 按作紀勝時無為自為

一軍不屬廬州紀勝無為軍全闕以他卷之例推

之凡與古人遺迹有關者皆入古迹此條似亦當

在古迹之內 又按一統志云寶晉齋在無為州

治內宋米芾建今考方輿勝覽 四十一云寶晉齋米

元章建中藏晉人法帖與一統志及紀勝可以彼

此互證 又按碑目晉人書法注云在寶晉齋亦

可互證

讀書臺 唐董李二生所居臺基猶存

一統志六十二廬州府 按此條亦係古人遺迹

似當在古迹門內 又按據一統志讀書臺在無
為州南

碑記

晉人書法 在寶
晉齋

輿地碑目卷二下同

大力寺詩碣

巢縣掘地得之其碣云地去巢城十里
分招提名目古今存風磨斷礎痕皴暗
雨剝殘碑點畫昏一道澗聲飛石壁兩邊山色
鎖雲根杜鵑花裏啼幽徑往事依稀似訴論

抄本碑目大力寺詩碣作巢縣大力寺掘地得碑

無巢縣掘地得之六字

紫微洞唐人題刻

在巢縣洞內有唐人杜子春等七
人正元二十一年磨崖阮戶部有

詩云一溪流水過雙池池外三峯雲四垂行到唐人
題字處紫微巖下立多時常取水以瀹茶有詩云紫
翠山圍小洞天洞中石下有寒泉他
年誰補茶經闕今在口王谷水泉

抄本碑目唐人題刻唐上有有字今在作合在空

格係唐字 按唐疑康之誤康王谷之泉列於茶

經故作詩者舉以為比耳

紫微觀隋碑

在巢縣隋開皇十四年劉穎製銘云廬
州襄安縣紫微館晉咸康四年會稽道
士王妙才之所創
也其碑皴剝難讀

抄本碑目紫微觀紫上有巢縣二字無在巢縣三

字創作剏

南唐重建巢湖神廟碑

保大二年廬州
刺史周鄴記

唐白將軍廟碑 在巢縣元和七年立其略云昔姚萇
萇虎戰敗力窮沉于濡水
而堅亦敗績為萇所殺云

安豐軍 原卷第
五十三

景物上

洛水 自定遠縣西白望堆流入壽州界屈曲而北歷
秦墟至新城村南十五里入於淮即洛口

方輿紀要二十一鳳陽府 按紀勝此卷全闕作

紀勝時鳳陽府名濠州壽州名安豐軍不相統屬
作紀要時則壽州屬於鳳陽府矣

趙步 在淮河北岸水濱泊舟之地土人坎岸為道
上下謂之步趙步以趙氏居此而今自壽春
花靨鎮沿淮東下百餘里即趙步灘又東逕梁城灘
北齊及梁控扼之地也在淮水中又東二十五里至

洛河口

方輿紀要二十一鳳陽府 按據紀要趙步在壽

州東北

大別山 一名安陽山以漢安豐縣在
山東北陽泉縣在山西北也

方輿紀要二十一鳳陽府 按據紀要大別山在

霍邱縣西南八十里 又按寰宇記一百二云陽

泉縣在山西北安豐縣在山東北各取縣之一字

為名此紀勝所本

碑記

東漢孫叔敖廟碑 在安豐縣東三
里孫叔敖廟

輿地碑目卷二下同

八公山廟碑 在壽春縣北四十里八公山廟前有碑乃齊永明十年立

宋武帝受命壇碑陰 在宋武受命壇

唐楚王祭淮壇碑 在壽春縣北四十里唐永泰元年立

壽州刺史張公度去思頌 大歷十年起居舍人趙運文王端書

抄本碑目端作湍

春申君碑 皮日休文有云春申君憂荆不勝以身市信刑待禍若自屠以當餒虎不日烈乎然徙都于壽

春失鄧塞之固去方城之險捨江漢之利其為謀已下矣猶能以吳為宮室以魯為封疆春申之力哉

抄本碑目憂荆不勝憂作愛其信刑待禍其作不

失鄧塞之固失作矢塞作一皆誤 按全唐文 七

九十載日休此碑信刑作俟刑是也

萬勝岡新城錄 沈亞之撰

壽州團練廳壁記 沈亞之文

輿地紀勝補闕卷三終

姪 校刊
男 長

輿地紀勝補闕卷四

甘泉岑建功輯

荆湖南路

潭州 原卷第 五十四

景物上

碧泉

澄碧如染溉田 五千畝南入湘

一統志二百二十二長沙府 按紀勝此卷全闕

據一統志碧泉在湘潭縣西南七十里紀勝之潭

州卽一統志之長沙府湘潭縣宋時屬潭州今屬

長沙府 又按方輿勝覽 二十碧泉注云在湘潭

西南七十里漑田五千畝南入湘胡安國朱文公會遊有詩五峯胡宏創亭曰有本疑卽沿紀勝之舊文與一統志可以互證 又按輿地碑目潭州碑記闕故碑記逸文無考

衡州 原卷第五十五

古迹

桓伊書堂

晉桓伊讀書於此宋向子恣居焉

一統志二百二十四衡州府

按此卷本無闕頁

古迹門有晉巨伊書堂注云言行錄云向子恣居

衡陽之伊山乃———故基此條當是彼處

逸文以文義考之當在言行錄云之上 又按紀

勝改桓爲巨者避欽宗諱桓上當從紀勝補晉字

道州

原卷第五十八

景物下

都龐嶺

山之絕頂曰都逢土人語訛曰龐也一名永明嶺其南五里有回山石壁峭絕

方輿紀要八十一永州府 一統志二百二十五

永州府所引無一名以下 按作紀勝時道州自

爲一州不屬永州紀勝此卷本無闕頁景物下有

都龐嶺注云寰宇記在郡界此條當是彼處逸文

以文義考之似當在郡界之下惟寰宇記道州全

此條是否亦寰宇記之文則無從考證矣

湖北路

岳州 原卷第
六十九

景物上

明月池 在郡圃東李
羣玉游息處

一統志二百二十七岳州府 按紀勝此卷本無
闕頁景物上有東園北園天池故繫此條於景物
上以俟考

澧州 原卷第
七十

古迹

彭山廟 碑曰崇山連天外界越嶺岡阜靡迤如舞如
馳過千里之勢於洞庭之野屹瞰郡治並為

彭山蓋澧邦
之所瞻也

一統志三十一澧州 按紀勝此卷本無闕頁古
迹門有彭山昭應王廟注云馬頡之彭山廟記云
王以帝胄之貴出守是邦今考廟記即廟碑碑曰
與記云無異此條當是彼處逸文 又按方輿勝
覽三彭山注引彭山廟碑里作重餘與紀勝同寰
宇記澧州全闕萬氏廷蘭補闕載紀勝云彭山廟
碑曰崇山蓋澧邦之所瞻也即節引此條之文
又按據一統志彭山在澧州西十里

靖州 原卷第七十二

景物上

白社山

李白流夜郎時於此結社

一統志二百二十三靖州

按紀勝此卷本無闕

頁景物上有飛山故繫諸景物上以俟考

又按

據一統志此山在會同縣東南三十里

峽州 原卷第七十三

景物上

孤山

晉郭景純結廬於此

一統志二百十九宜昌府

按作紀勝時之峽州

即今之宜昌府紀勝此卷本無闕頁景物上有孤

山注云郡國志云遠安有陸抗城故城之南有孤

山袁崧為郡嘗登此山四望俯見大江如縈帶舟

船如鳧鴈焉此條當是彼處逸文 又按紀勝古

迹門有郭道山注云在夷陵縣西南五里晉郭景

純結廬于此其基猶存有一井一鍾一統志所引

孤山之注與郭道山之注正合或即以郭道山之

注移作孤山之注亦未可知今姑從一統志所引

以俟考

荆門軍 原卷第七十八

景物下

白崖山

即靈鷲山之首南麓有泉曰南泉溉田千畝相近曰馬仰山其麓有洞曰黑龍洞

一統志二百十一荆門州 按紀勝此卷本無闕

頁景物下有白崖山注云在城北三十五里紫蓋

山之首此條當是彼處逸文 又按紀勝景物上

南泉注云出白崖麓之南溉田千畝景物下靈鷲

山注云在長林縣北舊有靈鷲寺有穴曰龍洞深

五里云云俱與此條無涉

京西南路

襄陽府

原卷第八十二

景物下

紫蓋山

淳熙中師高夔改名中峴山

一統志二百十六襄陽府 按紀勝襄陽府雖有

闕頁然所闕者係縣沿革及府沿革之後半風俗

形勝之前半總襄陽詩之前半而其餘固未嘗闕

也景物下有中峴山注云在襄陽縣西北五里舊

名紫蓋山帥高夔改爲——今考一統志所引

以紫蓋山爲主非以中峴山爲主紀勝全書之例

一山兩名前後並載者甚多故繫諸景物下以俟

考

谷隱山 山分二支一亘而南
一西迤里許俯漢江

一統志二百十六襄陽府 按紀勝景物下有谷

隱山注云在襄陽縣東南十三里晉習鑿齒隱遯
之所有僧寺曰興國院今名紫金寺元微之詩云
貪過谷隱寺畱讀峴山碑此條必是彼處逸文以
文義考之似當在十三里之下

隨州 原卷第
八十三

景物下

大龜山 上有靈濟祠堂前有
聖水井云有白龍

一統志二百十三隨州 按紀勝此卷本無闕頁

景物下有 大龜山注云荆州記云在應山縣北六

十里有石自然若龜隋書地理志亦云在應山縣
此條必是彼處闕文以文義考之似當在自然若

龜之下

棗陽軍 原卷第
八十八

景物上

霸山 世傳楚武
王嘗獵此

一統志二百十六襄陽府 按作紀勝時棗陽自
為一軍不屬襄陽府紀勝此卷本無闕頁景物上
有霸山注云舊屬隨州新撥隸棗陽此條當是彼

輿地紀勝補闕卷四終
處逸文以文義考之似當在舊屬之上

輿地紀勝補闕卷四終

姪裕
男淦校刊

輿地紀勝補闕卷五

甘泉岑建功輯

廣南東路

廣州 原卷第
八十九

景物上

廉水

又有飛水在縣西三十五里源出大岐峽南流入滇又沙河水在縣北後岡村西流與飛水合

一統志二百七十五廣州府 按紀勝此卷本無

闕頁景物上有廉水注云在清遠縣西四十里高

平鄉源出重山趾水側有人姓廉居此因以為名

一統志引紀勝水側有人姓廉居此因名即繼以

又有飛水云云則此條必是彼處逸文

女湖

在東莞縣東一百餘里湖中有支機石故名又雙女湖在縣東南七十里

一統志二百七十五廣州府

景物下

菖蒲澗

澗水即蒲澗水也吳刺史陸允以海水鹹鹵因導蒲澗以給民用唐節度盧鈞加鑿之始可通舟南漢更為疏闢作甘泉苑

方輿紀要一百一廣州府 按紀勝景物下有菖

蒲澗注云在州東北二十里澗舊有菖蒲一寸九

節安期生嘗服之此條當是彼處逸文以文義考

之似當在服之之下

龍山萬壽寺

又有雷電山在縣西三里五峯環拱下有九井又西一里曰大雲山蓋皆龍山

之分名也

一統志二百七十五廣州府 按紀勝景物下有

龍山萬壽寺注云在新會縣西二里山有龍窟東

西相望僅百步東山數穴窅不可窺以石投之隱

然不絕西山則玲瓏下屬表裏洞開總於窟者九

故老云神龍出入地一統志引紀勝神龍出入地

即繼以又有雷電山云云則此條必是彼處逸文

韶州 原卷第九

景物下

寶石山 在縣南十五里一名伏虎山圖經寶石山多伏虎相傳唐時有人徙其一石去至夜虎銜其石復回舊處鄉人神之立廟石上

一統志二百七十七韶州府 按紀勝此卷本無闕頁景物下有寶石山注云在州南十里唐時駱家移徙一石團夜虎含其石回舊處因名寶石與此條詳略迥殊若併為一條似涉重複竊疑此條標目寶石山當作伏虎山注中在縣南上當有寶石山三字蓋寶石山係舊名伏虎山係新名此條以伏虎山為主彼條以寶石山為主非複見也

連州 原卷第九十一

景物下

靜福山

又謂之靜禪山

一統志二百八十八連州 按紀勝此卷本無闕頁景物下有靜福山注云寰宇記云在桂陽縣北五十里梁廖冲者字靖虛為本郡主簿西曹祭酒湘東王國常侍大同三年家於此山先天二年飛昇於此山後刺史蔣防仰慕高風刻石為碑此條當是彼處逸文惟寰宇記連州全闕此條是否亦係寰宇記之文則不可考矣

英德府 原卷第九十五

景物下

牯牛石

兩石相抄水勢湍急名抄石灘為行

道七十餘問

一統志二百七十七韶州府 按宋時英德自為

一府不屬韶州紀勝此卷本無闕頁景物下有牯

牛石注云在縣南十九里真陽峽中真水為峽山

所束已湍怒其下又有磯石橫截為行舟之害里

諺云過得牯牛抄石灘寄書歸去報平安與此條

詳略迥殊若併為一條似涉重複竊疑此條標目

牯牛石當作抄石灘注中兩石上當有牯牛石三

字蓋牯牛石指石磯而言抄石灘指灘水而言此
條以抄石灘為主彼條以牯牛石為主非復見也

潮州 原卷第
一百

景物下

獨遊亭

陳堯
佐建

一統志二百八十潮州府 按紀勝此卷本無闕

頁景物下有獨遊亭注云在城東此條必是彼處

逸文以文義考之似當在城東之下

梅州 原卷第
一百二

景物上

明山

在程鄉縣東三十里山巔有古池池有五色荷花

一統志二百八十九嘉應州 按作紀勝時之梅

州即今之嘉應州紀勝此卷本無闕頁仙釋門有

明山奔仙注云明山在州之東三十里山巔有古

池池有荷花五色與此條不甚相同蓋彼以奔仙

為主此以明山為主也故繫諸景物上以俟考

廣南西路

高州

原卷第一 百十七

景物上

東山

山前有潘仙坡為道土潘茂名煉丹處

一統志二百八十三高州府 按紀勝此卷本無

闕頁景物上有潘山注云在茂名縣東三十五里

舊經云有道士潘茂古於此山採藥煉丹潘山即

東山蓋一山而二名紀勝並載之傳寫者脫去其

一耳

欽州

原卷第一 百十九

景物上

分茅嶺

與安南抵界

一統志二百八十四欽州 按紀勝此卷本無闕

頁古迹門銅柱注云聞欽境古森洞與安南抵界

有馬援銅柱一統志引紀勝此條後復引明一統志云漢馬援征交阯立銅柱其下與之分界山頂產茅草頭南北異向至今猶然是分茅嶺即設立銅柱之地此條以分茅嶺為主彼條以銅柱為主也

瓊州 原卷第一 百二十四

景物上

海 江浙之間潮有定候欽廣則朔望大潮其餘日止一潮瓊海之間則半月東流半月西流潮之大小隨長短星不係月之盛衰

一統志二百八十六瓊州府 按紀勝此卷本無

闕頁風俗形勝門云瓊海之潮半月東流半月西流潮之大小隨長短星初不係月之盛衰豈不異哉注云嶺外代荅云江浙之潮自有定候欽廉則朔望大潮謂之先水日止一潮謂之小水頃刻竟落未嘗再長瓊海之潮云云與此條敘述不同一統志引此條以海為標目故繫諸景物上以俟考

古迹

舊崖州

瓊管志云在今瓊州南之譚都土人猶呼為舊崖州

一統志二百八十六瓊州府 按紀勝古迹門有廢舊崖州注云寰宇記云在夔州東北二百六十

里本珠崖郡理舍城縣唐平蕭銑復置崖州皇朝
開寶三年平嶺南廢崖州入瓊州此條必是彼處
闕文以文義考之當在入瓊州之下 又按寰宇
記一百六 夔作瓊是也

福建路

福州 原卷第一
百二十八

景物上

霍童山

洞天記所謂霍林洞天是也唐武后時司馬
煉師於此修煉後駕鶴仙去遂賜名鶴林

一統志二百七十福甯府 按據一統志此山在

甯德縣北七十里作紀勝時無福甯府之名甯德

縣仍屬於福州紀勝此卷本無闕頁方輿勝覽卷十

霍童山注云在甯德北七十里洞天記云云與此

條正同所異者惟仙去作昇天耳一統志引此條

作方輿紀勝或方輿乃輿地之誤或紀勝乃勝覽

之誤均未可知姑錄於此以俟考

古迹

黃定宅

宋乾道丙戌狀元蕭國梁居縣之重峯己丑
狀元鄭僑居縣之龜嶺壬辰狀元黃定居縣

之龍湫時稱
百里三狀元

一統志二百六十一福州府 按據一統志此宅

在永福縣東方輿勝覽風俗形勝門百里三狀元

注云乾道丙戌狀元蕭國梁居永福之重峯第二科己丑狀元鄭僑居永福界上之龜嶺第三科壬辰狀元黃定居永福之龍湫與此條大略相同然彼條以百里三狀元為主依全書之例自當列於風俗形勝門此條以黃定宅為主依全書之例自當列於古迹門不必牽合為一也一統志引此條作方輿紀勝方輿當是輿地之誤

泉州 原卷第一
百三十

景物下

九日山

去城五里俗常以重陽日登高於此故名其西有高士峯東為姜相峯

一統志二百六十四泉州府 按紀勝此卷本無闕頁景物下有九日山注云寰宇記云在南安縣西一里連晉江縣唐秦系隱此山此條當是彼處逸文以文義核之似當在寰宇記之上蓋今本寰宇記一百連上有山字無唐秦以下六字則此條斷非寰宇記之文矣 又按方輿勝覽二十九九日山注云去城十五里延福寺之後山也舊俗常以重陽日登高於此故名高士峯注云在九日山西姜相峯注云在九日山之東與此條所述略同惟一條分作三條究難強合一統志引此條作方輿紀

勝方輿當是輿地之誤

南劍州 原卷第一
百三十三

景物下

衍仙山

此山神剎天劃東南略通人跡衍仙水出焉
當城北為大河下穿暗竇入城流入劍潭

方輿紀要九十七延平府 一統志二百六十六

延平府所引衍作演注云山東面略通人跡山中

產橘可以就食不堪攜出犯者即迷道不得歸

按紀勝之南劍州即今之延平府紀勝此卷本無

闕頁景物下有衍仙山注云在劍浦縣東北十里

衍客避晉亂結廬煉丹其上傳以為仙去紀要及

一統志所引必是彼處逸文以文義核之似當在

仙去之下 又按寰宇記 百一 演仙山注云在州西

北七十里故老傳云演氏煉丹於此丹竈遺基猶

存此山東面亦略通人跡山中出橘其味甘人有

食者就之則可攜之出山則迷道又有演仙水出

此山當郡城北為大河莫知深淺下有暗道竇入

城流出劍潭居人資之或亢旱而常流不絕據此

則紀要一統志所引紀勝皆沿用寰宇記之文一

統志所引山中產橘云云當在紀要所引衍仙水

出焉之前衍上當有又有二字 又按寰宇記一

統志作演紀勝紀要作衍今考紀勝仙釋門衍客
 注云延平志晉有衍客隱郡之北山煉丹丹成舉
 家上昇方輿勝覽二十亦作衍仙山似當以衍字為
 是

輿地紀勝補闕卷五終

姪
長 校刊

